

Aruba Lions Club a instala sr. Franklin Richardson como miembro nobo



RECIENTEMENTE, Aruba Lions Club a instala como miembro nobo den nan famia Leonistico sr. Franklin Philip Richardson como miembro nobo di nos club.

Despues di a asisti na varios reunion y actividadnan di nos club sr. Franklin Richardson a acepta e reto pa bira miembro di Aruba Lions Club p'asina cuminsa su carera den e mundo di service club y trabounan boluntario pa di nos club pa comunidad Arubano.

Sr. Richardson ta hopi activo den su bario di Dakota y ta desde 2011 cabesante di Fatima College na Dakota. Sr. Richardson ta docente di scol desde 2004 despues di a cuminsa su carera na Puis X Dakota , tambe a traha na EPB Oranjestad.

Sr. Richardson ta miembro comision Voz y Landia Escolar y ta activo den parokia di Dakota como miembro di Ann`s choir, miembro OCEB hoofdenberaad y tambe. Sr. Richardson ta casa cu juffrouw Elsa Richardson-Rincones y ta tata di tres yiu.

Aruba Lions ta yama sr. Franklin Richardson bon bini y ta desea su persona hopi exito den trabounan Leonistico pa e comunidad Arubano .